

華

陽

集

華陽集卷第三十六

金壇後學李孔兼校

詩

次韻錢巽叔見贈

阻闊書郵頓兩忘
三年清夢獨徜徉
風旌引興與天
遠
繭緒牽愁知日長
逸翮佇歸鴛鴦
列鳴騶忽下水
雲鄉秋霖窮巷
無人到
裹飯應煩問子桑

感恩

伊昔趨青瑣
嘗叨奉紫宸
燕間承仄席
清問及垂綸
寵荷皇恩重
歸慚白髮新
粉身那足報
結草是吾鄰

幽情

福性多違俗忘年只舊山心隨黃葉謝身與白雲閑
杜酒頻應酌萊衣賸喜班幽情在叢桂爲着槿籬環
彥達作詩自歎次韻勉之

未試屠龍學頻應引劒看夢驚秋枕雨愁入曙牕寒
戰伐今年定乾坤萬里寬扶搖終一舉回首謝悲酸
日暮

地偏車馬靜門閉水雲深野艇收晴網村舂續暮砧
危腸逢酒怯病骨畏寒侵又見鴉歸盡誰賡梁甫吟
次韻彥達雨霽

坐看飛雨激風雷，忽變晴空萬里開。
殘暑暗隨簷溜去，新涼頻逐樹聲來。
朱絃奏罷空三歎，白酒筍殘尚一杯。
病懶怕催詩債急，彊吟狂斐不知裁。

晚雨

急雨鳴初歇，崇雲凝不流。
客帆迷夕浦，漁火聚煙洲。
委巷藏身拙，殘編亂眼愁。
功名心已謝，肯負故山幽。

彥達借研意在白取次韻戲荅

斲石染輕翰，對面可十手。
價重千黃金，欲見那得苟。
難欺相如璧，寧碎范增斗。
作詩伐君謀，聊以當墨守。

家叔示秋夜詩次韻

華陽集 卷之三十六
秋來天色半晴陰衰鬢難禁節物侵蘭葉向人方泣
露菊花催酒已浮金莫將詩課頻頻聒不那愁城日
日深咫尺南山堪寄傲欲隨鳩杖徧幽尋

用前韻

蕭然雲屋敞溪陰荒徑蒿萊故故侵穿竹晚風輕
戛玉入簾涼月碎揜金畏寒皮骨驚秋早得酒情懷語
夜深臨老工夫在禪說試拈波若爲重尋

次韻戲彥達思歸

月牕明素練風榻淨飛沙飲極樽無綠更長燭自花
感時憂未散得句喜能誇莫寄思歸語粧寒損鬢鴉

月夜

漁火前村近秋砧靜夜多山煙歸宿鳥水月動明波
燭短催詩急樽空柰客何抱愁眠不穩林影半床過

秋夜小酌

宇宙秋光老崦嵫夜色連澄波寒浸月低樹遠浮煙
巷僻喧都騎杯行促廣筵摩尼元自照沉醉不妨禪

探梅

俗態多違性幽梅不近城詩書看長物林壑寄餘情
傍驛尋梅使衝寒過麴生一枝供細酌歸路見參橫

山中卽事

華陽集 卷之三十六
地僻官仍冷心閑日自長松篁供遠吹芝朮度幽香
直木應先伐驚禽忍再傷家山吾所愛投老慰相望

次韻彥達折梅

信步尋梅約欣逢亞雪枝春藏紅萼小寒齋暗香遲
畫角傳新曲粧臺歛翠眉廣平心不動唯許筆端知
僻居

陋巷人誰樂窮居意自安擁門雲樹暗繚徑土花乾
白髮驚時速青燈耿夜寒中原滿胡騎一念一悲酸
次韻彥達對雪有感

朔風卷地寒雲繁忽驚空花墮簷間遠山歷亂眼中

失飛鳥滅沒天際還緬想端門萬官賀雲陛儼列鳴
珮環豐年獻瑞天一笑聲動四海俱歡顏李侯人物
妙天下何獨臥窮看屋山胷次冰壺自深瑩管中霧
豹難窺斑異時富貴恐不免詎忍空歌梁甫艱君看
鴻鵠有高志一舉九萬誰能攀

雪晴

雪晴日脚下茅屋深巷泥融頻屐聲幽鳥喚春啼不
那野梅迎客意先傾愁腸斷送酒邊散詩眼安排煙
際橫晚歲浮榮安用許祗應丘壑未忘情

次韻彥達催詩

老去交親渾謾與興來終日飲亡何扣門頗厭催書
債隱几憑誰遣睡魔肯恠物情相楚越端由吾道自
丘軻衰慵更着詩頻惱筆陣方開已倒戈

歲暮二首

忽忽歲云暮霏霏山雨頻鳥啼茅舍靜梅映竹籬新
陋巷無深轍清酤有善鄰中原消息斷聊與醉鄉親

二

寒逐雲陰散年催節物新桃符趨臘市社鼓賽田神
任性琴書懶呼兒杖屨頻君恩難報處家食奉雙親

用前韻

雪殘春信近山迥客愁新興極尊無酒詩成筆有神
玩心雲物變驚夢雨聲頻坐對華嚴海忘言意自親

野望

日落寒雲薄樓高望眼迷興亡千古恨衰疾萬行啼
拔土空巖穴防秋尚鼓鼙建章何處是坐待玉繩低

探梅

倚空山翠羅曲屏入山曉日寒淒清蒼龍導前散疎
影幽鳥勸坐回新聲探梅忽見數枝發曳杖折來雙
眼明綽約東牕可無伴煩君火急呼麴生

彥達乘小舟醉歸墮水作此戲之

華陽集
卷之三十六
五
舍爵頽然飲中仙夜歸一葦航深淵長歌扣舷天上
坐起舞失脚水底眠未省渴羗笑肉動會令鼯鼠驚
腹便布帆無恙急藏去明年更試春江船

次韻李公顯

士有鴻鵠志萬里一舉翮胷中自廊廟肯顧三畝宅
李侯氣邁爽詞鋒凜霜戟老夫晚結交文會欣有繹
劇談到時事唾手欲任責短褐天路高畎畝抱忠赤
風雷惜變化泥蟠等蜥蜴結茅西山下樵爨走僮僕
富貴會有時簞瓢豈不適世態翻覆手寧較黑與白
興來時一杯南窗俯遙碧

歸自金壇值雨宿顧龍山翌日施米作供

蒲牢不擊欠晨炊風伯如何聖得知留我艤舟明日
去滿堂香飯雪翻匙

次韻公顯見贈

李侯詞氣吐朝陽光焰真成萬丈長綠髮莫將塵土
暗會看它日照金章

年齊耆舊愧衰陽懶性唯耽野趣長了却官租更何
事君王約法已三章

用前韻戲公顯

初試梅粧愜壽陽藁砧山上夜何長式微未盡閨中

華陽集
怨束皙那辭補一章

送公顯應舉

堂堂筆陣一當千得意秋風急着鞭百萬破荒明日
事未應長欠畝頭錢

次韻公顯木犀

鋪茸紫葵亂晴颺點金寒菊棲短籬木犀韻高陋凡
枝顧與葵菊同堦墀香聞十里自絕竒造物豈偏雨
露滋閒見層出珠琲垂鵝黃靚粧宮樣宜煙銷紅日
下薄帷宴坐幽窻風度時頗覺飄飄蘭蕙姿着人不
去催作詩李侯爲續離騷辭香草端從筆下移花前

把卷不停披何以酬君金屈卮

次韻公顯賦蠟梅二首

壽陽催粧花睡起半額淺黃嬌欲語香魂浮動滿幽
思着莫春風暗相與李侯鐵心似廣平筆力萬鈞談
笑舉詩成夜誦更清絕向來誰識袁臨汝句中有味
應獨知吟罷餘甘發微咀

愁裏危腸日九迴今朝愁眼爲花開一枝斜倚向人
笑應報上林春信來

從丁世叔覓花栽

老去看花能幾回旋移花樹着行栽君家封植蒲煙

露分我一枝春色來

庚午三月十日遊茅山

雨餘沙迳淨無泥杖策何妨過竹谿迎客野花隨處
發勸沽幽鳥向人啼峰巒路轉攀蘿倦樓觀煙深望
眼迷疑是武陵仙地隔坐來遐想舊桃蹊

王伯壽見和復用前韻奉答

瓶空何必醉如泥送客誰能過虎溪一枕閉門追蝶
夢兩行森木聽鶯啼新詩未讀心先伏細字徐看眼
欲迷筆底春風有生意他年桃李會成蹊

次韻伯壽述懷

仲蔚蓬蒿滿徑荒主人曾是漢中郎
干時不利初無術醫國那知別有方
老去與誰同臭味秋來多病獨悲涼
倚天長劒君休問腐肉當前亦斂鋒

邀韋汝昭同宿上館

打窗風雨夜蕭蕭客裏誰堪伴寂寥
五字蘇州有苗裔高吟何必更聞韶

題華陽南牕

擾擾何年斷俗緣從今便合老山間
會將碧澗洗心淨坐看白雲終日閒

衰病辭祿蒙恩賜可時小子堅方塵末第陳德

昭表仲誠惠詩褒借褒借甚寵次韻奉荅二首
蕭蕭兩鬢雪毛新忝竊清朝舊薦紳陳力心知難就
列引年恩許致爲臣臥家正恐貽官謗增秩俄驚捧
帝綸溫飽一門生意足捐軀無路報涓塵

月窟當年裛桂香衰蘭那敢望重芳姓名忽見偕千
佛骨相端知誤九方老樹逢春欣有蘖新雛出谷敢
爭翔琢磨賴有交朋在高義無專數范張

用前韻再簡二首

三復長篇句法新蘭言紉佩更書紳才高奚啻千人
敵譽過空慚一介臣莫訝筆端能品藻定由胷次有